



Jón Sveinsson

Bjarni Benediktsson Jón Sveinsson

Tekið af vef Borgarskjalasafnsins

bjarnibenediktsson.is

Einkaskjalasafn nr. 360

Stjórnmalamaðurinn

Askja 2-8, Örk 5

©Borgarskjalasafn Reykjavíkur

Hefnerfj.12.mai,1942.

Kæri borgarstj.&skólafr.,

eins og ég veit að ég þarf ekki að
rifja upp fyrir þér var ég beittur hinu hróplega ranglati af
Hermann Jónessyni í fyrra vegna þess, að ég var sjálfstæðis-
maður. Hefði ég verið framsóknarmaður eða sósíalísti hefði
mér vitanlega verið veitt það embætti, sem mér bar. Þegar
Ólafur Thórs talaði síðast við mig um veitinguna, og hún var
ákveðin, sagði hann, að vitanlega stæði flokkurinn við mig í
skuld, sem yrði goldin með því, að veita mér eitthvað það starf,
sem ég vildi vinna og flokkurinn hefði ráð á. Hann bað mig þá
að hugsa mér eitthvað, sem hann hefði vald á að veita, en ég
vildi sjá betur hvað fram undan væri og fór ekki fram á neitt
að sinni.


Síðan Frjélslyndi söfnuðurinn var stofnaður hefi ég
heft það í huga, að sækja um eitthvað það starf, sem ég gæti
unnið samhliða því að þjóna söfnuði mínum í Rvík, sem ég get
vitanlega ekki gert mér vonir um að geta lifað af að öllu leyti
í nýnni framtíð. Ég hlýt að telja flokkinn -ekki sízt vegna
skýlausra loforða Ó.Thórs- fremur skuldbundinn mér fyrir það,
að ég gaf sjálfstæðismönnum tækifæri til, að sjna það, að þeir
þurftu ekki að beygja sig fyrir einræði Framsóknar í því, sem
marga þeirra skipti mjög miklu máli.

Nú er mér sýtt, að laust muni vera bókaverðarstarfið við Bæjarbóksefni Reykjavíkur, sem sjálfstæðismenn veita að sjálfsögðu. Einmitt þess konar starf væri mér hentugt að vinna samhlíða safn- og starfsstarfi mínu, og ég hlýtt að telja, að það starf ætti ég að geta unnið sómasamlega, einkum þar sem ég er samlega að mér um bókmenntir og hefi frá fornu og nýju nokkra þekking á þeim. Á þessu starfi mundi mér leika hugur, ef svo reyndist, að kjör um vinnutíma og annað væri aðgengileg fyrir mig.

Þér er aðlillega ekki kunnugt um það, að hér í Hafnarfirði hefi ég setið um tíu ára skeið að litlu embætti og unnið að kennslu og samhlíðu til þess að geta lifað, en frá hvers konar kennslu við skólana, sem ég hefi sótt, hefir mér verið bægð vegna þess, að ég hefi aldrei haft skap til þess að dylja mínar pólitísku skoðanir, þetta var Ólafi Thórs kunnugt um og enn fremur er honum kunnast, hvað faðir minn hefir á sig lagt fyrir flokkinn, og hve mjög hann hefir skæðst peningslega á því um mörg liðin ár, þetta taldi hann skyldugt að teka til greina, þegar unnt væri að bæta þeim mönnum upp afhröð, sem þeir hafa galdið fyrir hollustu við flokkinn.

Ég veit, að þú hefir svo mikið að gera nú og enda tími minn næmur þessum dögum, svo að þess vegna taldi ég okkur báðum hentara að ég léti nægja í bili, að senda þér þessi orð bréflega.

Ég veit, að af þessu muni þér vera ljóst, hvað fyrir mér vekir og treysti þér til hins besta. Svo mun ég ónæða þig aftur innan skemms. Með bestu kveðjum, Þinn einl.



Hafnarfj. 10.7.'42.

Kæri borgarstj. etc.

Mé hefir enn ekki tekizt að ná tali af forsætisráðherra, en þar sem ég var byrjaður á því fyrir kosningar að taka sumarfrí mitt verð ég að fara að komast úr þænum. Langar mig þá að ítreka við þig það, sem þú lofðir mér góðfúslega, að tala við ráðh. um mál mitt. En svo að þú getir betur séð, hvað fyrir mér vakir, leyfi ég mér að senda þé afrit af bréfi mínu, sem ég sendi í dag, og vænti þess, að þé finnist tillaga mín ekki fjarstæða.

Með öllum góðum óskum, Þinn



Jón Sveinsson

cand. jur. hdm.
fo. bæjarstjóri.

Skureyri 9.sept.1942

Símar: 358 skrifstofan
19 heima

Herra borgarstjóri
Bjarni Benediktsson
Reykjavík

Góði vin !

Ekki fæ ég veitingu enn fyrir skattþómaraembættinu. Ég vildi nú helst fara að fá veitinguna, ef ég á að fá starfið. Annars held ég fast við, að ég fái bæjarfógetaembættið síðar, ef ég vil, og það verður laust meðan Sjálfstæðisflokkurinn hefir stjórnaraðstöðu til að geta veitt það. Ég held fast við þau margendurteknu loforð, sem mér hafa verið gefin í því efni.

En hvað sem um bæjarfógetaembættið er að segja gagnvart mér, þá verðið þið að veita það góðum og áhrifaríkum Sjálfstæðismanni, áður en þið kannske missið stjórnaraðstöðu til að geta gert það. Við höfum æði margir áhugamenn, bæði bönum og sýslunni, talað saman um þetta upp á síðkastið. Við megum ekki til þess vita, að Framsókn nái í þetta embætti handa einhverjum þægum flokksmanni, eins og t.d. Páli Hallgrímssyni, sem mun hafa loforð fyrir því frá þeirra hálfu, strax og þeir geta veitt það. Fáir KEA hann fyrir tollstjóra, yfirskattanevndarmann og yfir önnur stöff, sem embættinu fylgja, er víst, að Sjálfstæðismenn þurfa ekki að hneppa sínum pólitísku hnöppum fram, hvorki hér í bönum né sýslunni, eða m.ö.o. fái Framsóknarflokkurinn mann í þetta embætti, ræður hann um ófyrirsjáanlegan tíma lögum og lofum bæði í bæ og sýslu, í pólitík og öðru. Sigurður Eggerz verður að láta af embættinu, áður en þið missið stjórnaraðstöðu til að geta veitt það Sjálfstæðismanni. Þið verðið eitthvað að gera fyrir karlinn, svo að hann verði ánægður, helst að lofa honum að bjóða sig

fram í kjördæmi, þar sem von er um að hann geti komist
að, en pólitískum ítökum Sjálfstæðisflokksins hér í bæ
og sýslu má ekki kasta á glæ. Þetta verðið þið í öllum
bænum að athuga í tíma.

Nú er fyrirsjáanlegt, að kosningar fara fram að
nýju í haust, og nú verðum við strax að fara að byrja
að vinna og skipuleggja kosningarnar. Það dugar ekki að
draga allt fram á síðustu stundu og koma þá til fólksins
undirbúningslaust og biðja um atkvæði. Framsókn er þegar
byrjuð að undirbúa kosninguna hér, en við gerum ekkert.
Meðal okkar Sjálfstæðismanna hér á Akureyri er innbyrðis
ósamkomulag, samvinna hefir enn ekki komist á meðal
fulltrúa Sjálfstæðisflokksins í bæjarstjórn. Sumir þeirra
halda enn dauðahaldi í samvinnuna við KEA-menn, en slíkt
verður að breytast. Við, sem erum eindregið á móti Framsókn
og hinu mikla KEA-valdi, getum ekki hvað eftir annað gengið
til kosninga í landsmálum með þeim mönnum, sem svívirða
okkur og pikka á alla lund í bæjarmálum, og meira að segja
verðum við að ganga fram fyrir skjöldu fyrir Sjálfstæðis-
menn, því hinir eru svoddan ræflar, að fáir málsmetandi
menn taka mark á þeim. Miðstjórn flokksins verður að
koma sáttum á, og það verður þegar í stað að fara að vinna
að því, ella sigrar Villi hér með glans í haust. Þú sendir
mér línu öllu þessu viðvirkjandi. Og blessaður sjáðu nú
um, að þessi mál komist öll í gegn.

Vertu blessaður og sáll

Þinn einlægur

Jón Sveinsson

Jón Sveinsson

cand. jur. hdm.
fv. barjastjórn.

Símar: 358 skrifstofan
19 heima

Akureyri 21. okt. 1942

Bjarni minn !

Ég sendi þér afrit af bréfi Jakobs Möllers til mín, sem er talið dagsett 20/8 sl., en það er af einhverju gáleysi hjá Jakobi, því hann skrifaði það seinna, eða þegar ég var í Reykjavík á Sjálfstæðisþinginu, og svarbréfi mínu til hans, ágs. 11. þ. m. En ég fé ekkert að heyra enn. Nú ætla ég að biðja þig að sjá um, að mér verði veitt þetta embætti án tafar, en forsögu þessa máls alla þekkir þú, svo að óþarfi er að skýra þetta nánar. Ég vona aðeins, að ég eigi ekki enn eftir að verða fyrir vonbrigðum og brigðmælgí.

Kosningarnar hér fóru vel og eiginlega betur en ~~á horfðist~~ á horfðist. En það gengur slakar hjá ykkur í Reykjavík. Það er nú meiri dagnaðurinn í ykkur að arga fylginu yfir á Kommúnistana. Þjóðólfsmenn ætla lítið nýtilegt starf að vinna. Þeir aðeins tvístra Sjálfstæðisflokknum, ná litlu af fylginu sjálfir, en auka fylgi Kommúnistaflokksins með skrifum sínum og framferði. Eins og allt stendur vorkenni ég vini mínum, Árna frá Múla. Hefði hann getað dregið eitthvert aukafylgi að sínum lista, það var annað mál, en að geta ekki fengið nema sumt af því fylgi, sem dregst frá Sjálfstæðisflokknum, og sjá hitt hverfa yfir í herbúðir. Kommúnista, það er aamt og illt hlutskipti. Hefðuð þið viljað lofa Árna að vera á Sjálfstæðislistanum og haldið honum góðum við blöðin, hefðuð þið fengið 5 þingmenn í Reykjavík, og aukið atkvæðamagn fyrir einu uppþótarsæti fleira en þið fáíð. Ég þekki heimskuna og stífnina héðan af Akureyri.

Skrifaðu mér mjög fljótt.

Þinn einlægur

Jón Sveinsson

Jón Sveinsson

cand. jur. hdm.
fv. bæjarstjóri.

Símar: 358 skrifstofan
19 heima

Skreyri 24.febr.1942

Herra borgarstjóri
Bjarni Benediktsson
Reykjavík

Góði vin !

Ég sendi þér kosningablaðið okkar og fyrsta blaðið af "Norðanfara", svo að þú getir séð, hverjir hafa betur haldið á lofti Sjálfstæðisstefnunni við síðustu bæjarstjórnarkosningar, við eða hinir herleiddu. Þú lætur mig vita, hvernig þér líkar blaðið.

Annarssýnist mér Sjálfstæðisflokkurinn allur vera að grotna í sundur og er það ekki mót von. Forsprakkarnir á þingi hafa fleygt sér í faðm Framsóknar og verður eigi annað séð en að þeir séu algerðar undirlægjur Framsóknar.

Við ætlum að halda þessu blaði út a.m.k. fram yfir næstu Alþingiskosningar. Ef félagið "Skjaldborg" gengur inn í Sjálfstæðisflokkinn, verður sá flokkur studdur eftir megni, en ef flokkurinn grotnar í sundur og klofnar, skaltu vera viss um, að blaðið fylgir þeim hlutanum, sem ekki gengur yfir til rauðu flokkanna eða vill gerast taglhnýtingur þeirra í sérréttindapólítík, einræðisbrölti og hverskonar ódyggðum.

Ég sendi þér eftirrit af bréfi, sem ég skrifaði Jakob Möller. Þú athugar þetta sem þar ~~xxx~~ er sagt og þó enn betur það sem liggur þar á milli línanna, og kannske talfærir þú eitthvað af þessu við Jakob. Annars finnst mér hann vera orðinn eitthvað svo þreklaus og viljalaus, að ég botna ekkert í honum.

Ég ætla að biðja þig að lesa grein mína í kosningablaðinu: "Hver verður efsti maður C-listans" og segja mér álit þitt um það mál.

Ekkert ætlar Jakob að gera í þessu skattstjóramáli ?
Skrifaðu mér mokkrar línur, ef þú mátt vera að.

Þinn einlægur

Jón Sveinsson